



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material




2017-05

1542  
~~3-44~~

# „ԷՍ ԷԼ ԲԵԶ ՅԻՆԳ ՈՒ ԽԱԶ“

ՄԱՆԿԱԿԱՆ ԿԱՏԱԿԵՐԳՈՒԹԻՒՆ

ԵՐԿՈՒ ԱՐԱՐՈՒԱԾՈՎ



Արտատպած „Աղբիւր“ տնտեսական

Հեղինակութիւն

ԳՐՈՂՈՐ ԱՂԱՋԱՆՆԱՆՈՒ

Թ Ը Ի Ր Ի Զ

300  
36-43

Ատրպատականի Հայոց Թեմական Արագատիպ

Յիսուսի Վարամեհիկ եղիտարէր Միլլայէգեանի

1905

Հայաստանի Լուսավորության  
Մանկապարտեզի Կրթական

15/7 - 1919 թ.  
„ԷՍ ԷԼ ՔԵԶ ՀԻՆԴ ՈՒ ԽԱԶ“

89154293-2  
Բ-16

ԱՆԿՎԱՆ ԿԱՏԱԿԵՐԻՈՒԹՅՈՒՆ

ԲՏԻՆԻ

310

ՆՐԿՈՒ ԱՐԱՐՈՒՆԾՈՎ

248

Հեղինակում  
ԳՐԱԳԱՐԱՆ  
ՍՍՏՄԻՆԻ  
7/7 1922  
ՍՍՏՄԻՆԻ

ԹՎԻՐԶ (ՊԵՐՍՎԵՏԵՆ)

Ատրպատականի Հայոց Թեմական Արագածոտիպ

Յիսասկ Վաղամեռիկ Եղիաբեկ Միրզալեգանի

ՊԵՏԱԿԱՆ-ՀԱՆՐԱՅԻՆ  
1905  
ԳՐԱԳԱՐԱՆ

## ԳՈՐԾՈՂ ԱՆՁԻՆՔ

1. Մայրը — 30 տարեկան.
2. Արեակ, որդին — 8 տար.
3. Նազիկ, աղջիկը — 7 տար.
4. Տիգրան, հարեանի տղան — 7 տ.

Բեմը ներկայացնում է մի հասարակ սենեակ, աջ ու ձախ կողմից դռներ, սեղան և երկու աթոռ. սեղանի վրայ դրած են թուղթ, գրքեր, թանաքաման:

## „ԷՍ ԷԼ ՔԵՉ ՀԻՆԳ ՈՒ ԽԸՉ“

Մանկական Կատակերգութիւն երկու արարուածով

## ԱՐԱՐՈՒՄԵ ԼՌԱՋԻՆ

## ՏԵՍԻԼ Ա.

Մայր.

(Նսած յասակի վրայ հախարակ է մտնում երգելով)

Մանիւր, մանիւր, իմ ճախարակ,

Մանիւր սպիտակ մալանչներ.

Մանիւր թեւեր հաստ ու բարակ,

Որ ես հոգամ իմ ցուեր:

Տիգրանիկս գուլբա չունի,

Հանդ է զնում ոտաբաց.

Արշակս էլ չունի չունի,

Միշտ անում է սուգ ու լաց:

Մանիւր, մանիւր, իմ ճախարակ,

Մանիւր, սպիտակ մալանչներ.

Մանիւր թեւեր հաստ ու բարակ,

Որ ես հոգամ իմ ցուեր.

(Վերջին տուր երգելիս մտնում է Արեակը եւ սեղանի գրքեր բռնում մինչեւ երգի վերջանալը):

Արեակ.

Մայրիկ, բա՛ նոր տարուն ինձ համար նոր շորեր չես կարելու:

Մայր.

Նոր շորեր այն ժամանակ եմ կարելու, երբ

դասերդ լաւ սովորես, ուշք ու միտքդ զըբին լինի:

Արեակ.

Լաւ, վատ եմ սովորում դասերս:

Մայրը.

Թէ լաւ ես սովորում, աոյա ինչո՞ւ հայոց լեզուից 2 ես ստացել: (Անդհատում է նախաւակ մանելը):

Արեակ.

Հաւատացնում եմ, մայրիկ, լաւ եմ սովորում, բայց վարժապետը երկու է նշանակել:

Մայրը.

Սուտ խօսելը մեղք է, վարժապետը ոչ քո խելքին է, ոչ էլ իմ, լաւին՝ լաւ կնշանակի, վատին՝ վատ:

Արեակ.

Մայրիկ, հաւատացնում եմ քեզ, որ պարոն Թորոսեանը շատ քիչ է նշանակել ինձ:

Մայրը.

Բա՛ ինչքան կուզէիր, որ նշանակէր:

Արեակ.

Հինգ ու խա՛չ:

Մայրը.

Հինգ ու խա՛չ... իսկ զիտե՛ս, որ հինգ ու խա՛չ ստանալու համար ամենալաւ աշակերտը պիտի լինիս դաստարանումդ:

Արեակ.

Հէնց ամենալաւ աշակերտն էլ ես եմ:

Մայրը.

Երևում է թուանշանիցդ: (կանգնում է):

Արեակ.

Անցեալ օրը, պարոն Թորոսեանը ինձ մի օտանաւոր հարցրեց. ես էլ այնպէս ասացի անգիր, որ ընկերներիս բերանը բաց մնաց:

Մայրը.

(Մի կողմ). Արշակից այդպիսի բան սպասել. (Արեակին). Յետո՛յ. վարժապետը հաւանեց:

Արեակ.

Այո՛, շատ հաւանեց և ցուցակում մի ինչ որ բան գրեց. ասացի՝ վարժապետ, ինչ էք անում, ասաց՝ նշանակում եմ ցուցակում, որ զու ամենաառաջին աշակերտն ես:

Մայրը.

Յետո՛յ.

Արեակ.

Էլ ինչ յետոյ, հէնց իմացայ վկայականումս հինգ ու խա՛չ կըլինի, բայց տեսայ 2 զրած:

Մայրը.

(Մի կողմ). Այս անպիտանը իր փոքրիկ տեղովը ուզում է ինձ խաբել. (Արե. -ին). Ե՛տ լաւ ես սովորում, հա՛, հապա ինչո՞ւ ամեն օր անճաշ են թողնում քեզ:

Արեակ.

Մայրիկ, ամեն օր ինձ էրբ են անճաշ թողնում, որ ասում ես:

Մայրը.

Լաւ, ասենք թէ՛ ամեն օր չեն թողնում, երկու օրը մի անգամ հօ՛ թողնում են:

Արեակ.

Հնա, մայրիկ, եղպէս կարող է պատահել,  
ուսումնարանում մնում եմ, որպէսզի դասս աւելի  
լաւ սովորեմ:

Մայր.

— Ես լաւը գիտեմ, ինչպէս որ տանն ես,  
այնպէս էլ ուսումնարանում կըլինիս: (Փառովդդին).  
Անցեալ օրը, ասում եմ, Արշակ, գնա՛ ճաւտերին կուտ  
տուր, շուտ այտեղ արի, դասերդ պատրաստիր. կէս  
ժամ սպասեցի, մի ժամ սպասեցի՝ չեկաւ. ասացի գնում  
տեսնեմ՝ ինչ է անում. գնացի տեսայ՝ հաւի ճաւտե-  
րը խոհանոցն է արել, մի փայտ ձեռքն առել և խեղճ  
ճաւտերին էստեղ-էնտեղ խփում սպանում է, սպանածն  
էլ մօխրի մէջ թաղում, որ ես չընկատեմ. լաւ է,  
որ շուտ վրայ հասայ, թէ չէ՛ բոլորին էլ կըկատարէր.  
Հինգ հատին թաղել էր արդէն, երբ վրա հասայ:  
Աստուած զրան մի խելք տայ: (Արեակին): Արշակ, եթէ  
միւս անգամ էլ անկարգութիւն անես, չսովորես, ծու-  
լութիւն անես, իմացած եղիր, որ վարժապետիդ պիտի  
ասեմ ամեն օր քեզ անձաշ թողնի. հասկացա՛ր:

Արեակ.

Հասկացայ. մայրիկ, կաշխատեմ այսուհետ...  
անկարգութիւն չանել:

Մայր.

Պէտք է դասերդ էլ պատրաստես:

Արեակ.

Լաւ, դասերս էլ կըպատրաստեմ, եթէ...

Մայր.

Եթէ ինչ:

Արեակ.

Եթէ վարժապետին ասես Հինգ ու խաչ դնի:

Մայր.

Ասենք թէ վարժապետին ասացի, որ քեզ  
Հինգ ու խաչ դնի. անի իմ ասելով հօ չի լինիլ.  
դու պէտք է աշխատես ջանասէր լինել, վարժապե-  
տիդ բոլոր պատուէրները ամենայն ճշտութեամբ կա-  
տարես, դասերդ լաւ սովորես, որ Հինգ ու խաչ նշա-  
նակի: Վերջապէս ինչ նշանակութիւն ունի թուանշա-  
նը. դու խօ թուանշանի համար չես զայրոյ գնում,  
գնում ես որ մարդ դառնաս:

Արեակ.

Մայրիկ, հէնց ասում ես է, անի չեն  
թողնում դասերս սովորեմ:

Մայր.

Ո՞վ չի թողնում:

Արեակ.

Ճանճերը, մայրիկ, ճանճերը:

Մայր.

Տօ, այս ժամանակ էլ ճանճեր կըլինին:

Արեակ.

Մայրիկ, եթէ ճանճերը չլինէին, ամենաս-  
ուաջին աշակերտը կըլինէի մեր դպրոցում:

Մայր.

Տէր Աստուած, այսպիսի էլ սգալ կըլինի:  
(Նրան) Ախր ճանճը ինչ է, որ ինչ անի քեզ: Ամբողջ  
ամառը պարապ — սարապ թրև ես եկել, դասերդ չես  
կրկնել և հիմա էլ մեզքը զգում ես խեղճ ճանճերի  
վրայ:



Արեակ.

Ճանճերը ինձ շատ են խանգարել, մայրիկ:  
Մայրը.

Ի՞նչպէս թէ խանգարել են, անխ, ճանճը  
ինչ է, որ ինչ խանգարի.

Արեակ.

Մայրիկ, դու նրա պատկուծեանը մի նայիլ,  
գիրքը հէնց ձեռս էի առնում թէ չէ, մէկէլ էի  
տեսնում մի անտէր ճանճ, սրտեղից որ էր՝ ա՛րզճզզ...  
գալիս էր ու դուզ քթիս ծէրին նստում:

Մայրը.

Ձեռով խփէիր, գնար կորչէր:

Արեակ.

Ձեռքով խփում էի, գնում էր սկանջիս  
ծէրին նստում. էնտեղից էլ էի քշում, գալիս էր գըր-  
քիս վրայ նստում, էն էլ դուզ դասիս վրայ. ուզում  
էի գիրքս ծալել ու մէջը ճխլիլ այդ անիրու կենդա-  
նուն, վեր էր կենում փախչում: Ելի սր դասս սկսում  
էի կարգալ, մէկէլ էի տեսնում ա՛րզճզզ... գալիս  
քթիս ծէրին բազմում էր: (Մօրը). Դու որ լինէիր իմ  
տեղը, ինչ կանէիր:

Մայրը.

(Փայս.) Ի՞նչ պիտի անէի, ուշագրութիւն  
չէի դարձնիլ ամենեւին:

Արեակ.

Լու էս ասում. էն պատիկ տեղովը գայ ինձ  
խանգարի, ես թողնեմ նրան անպատիժ: Ես էլ բար-  
կանում էի, գիրքը ծալում մի կողմ գնում.— մայրիկ,  
գիրքը լաւ էի ծալում որ չըփչանայ— ու ընկնում այդ

անիծեալ ճանճերի ետեւից. գիտես մայրիկ, օրը քա-  
նիսն էի սպանում. մի անգամ թաշկինակով զարկելով  
եօթը ճանճ սպանեցի:

Մայրը.

Օ՛ր, ի՞նչ մեծ քաջութիւն ես արել. կեցցես.  
Եթէ ամեն օր ճանճերի հետ սրտերազմես, լաւ դաս  
կըսովորես: Լաւ, Արշակ, ասենք թէ՛ ամառը շոգ էր,  
ճանճերը քեզ խանգարում էին, մի խօսքով՝ ծուլու-  
թիւն էիր անում. հիմա ինչ կասես՝ երբ ճանճեր  
չկան որ քեզ խանգարեն:

Արեակ.

Մայրիկ, հիմա էլ խանգարում է...

Մայրը.

Ո՛վ.

Արեակ.

Հիմա էլ խանգարում է...

Մայրը.

Ո՛վ, ասա՛ տեսնենք.

Արեակ.

Հիմա էլ խանգարում է...

Մայրը.

Ա՛խր, ո՞վ է խանգարում, է...

Արեակ.

Հիմա էլ խանգարում է...

Մայրը.

Չլինի՞ նագիկն է խանգարում.

Արեակ.

Ո՛չ.

Մայրը.

Գէ ասա տեսնենք ո՞վ է խանդարում. ընկերներդ են խանդարում:

Արեակ.

Ո՛չ.

Մայրը.

Բա՛ ո՞վ է խանդարում.

Արեակ.

Հիմա էլ խանդարում է... մեր փիսօն.

Մայրը.

(Ծիծ). Այդպիսի անմիտ պատճառաբանութիւններով չես կարող արգարանալ: Աւելի լաւ է, խելքդ գլուխդ հաւաքիր, դասերդ սովորիր, որ ժամանակին լաւ մարդ դառնաս:

Արչակ.

Հաւատացնում եմ քեզ, մայրիկ, եթէ վարժապետը ինձ 5 դնի, ամբողջ օրը տանը նստած դաս կըսովորեմ:

Մայրը.

Շատ լաւ, Արչակ, դու խելք կաց, դասերդ պատրաստիր, ես էլ քեզ եմ հաւատացնում, որ վարժապետը 5 կըզնի:

Արեակ.

Մայրիկ, բա՛ խի է չըխաղամ:

Մայրը.

Խաղին հօ ես հակառակ չեմ. առաջ դասերդ սովորիր: Ինչու ինչքան կուզես՝ խաղա՛. անիս դու ամենեին դաս չես սովորում, ամբողջ օրը խաղի հետեւից ես ընկած, մի անգամ չըտեսայ քեզ դաս սովորելիս:

Արեակ.

Լա՛ւ, մայրիկ, այսուհետ թէ էլ ինձ տեսես խաղալիս, ինչ ուզում ես արա՛. 5-ի տեղ 15 անգամ բռունցքով տուր:

Մայրը.

Գիտես որ քեզ չեմ ծեծում, այդպէս ես ասում: Լա՛ւ, այդ էլ կըտեսնենք:

Արեակ.

Ախր, մայրիկ, խաղն էլ շատ լաւ բան է: Դասս սովորելիս, մեր հարեւանի տղան—Տիգրանը, մէկ էլ ես տեսնում գալիս է ասում՝ «Արչակ, արի խաղանք»: Բա՛ ես նրա խաթըրը կտարեմ:

Մայրը.

Ա՛յ որդի, հէնց նոր ասացի՝ որ խաղին հակառակ չեմ, ինչքան կուզես խաղա՛, բայց դասերդ էլ պատրաստիր: Ա՛յ, քեզ օրինակ նազիկը. ինչո՛ւ նա հայերէնից 5 ունի, իսկ դու—2:

Արեակ.

Բայց նա էլ թուաբանութիւնից է թօլլ, մինչդեռ ես 4 ունիմ:

Մայրը.

Նա աղջիկ է, քեզնից փոքր է, նրան ներելի է, բայց քեզ՝ ո՛չ:

Արեակ.

Լա՛ւ, մայրիկ, էդպէս որ խօսում ես հա՛, նազիկը լաւ գիտէ հայերէն, թէ՛ ես:

Մայրը.

Իհարկէ նազիկը, նա քեզ պէս ծուլութիւն չի անում, տուած դասն էլ միշտ պատրաստում է:

Արեակ:

Ես էլ եմ պատրաստում:

Մայր:

Ի՛նչ որ պատրաստում ես, ինչո՞ւ նազելի  
նման չես կարողանում կարգալ:

Արեակ:

Ուրեմն քո ասելով՝ նազելիը ինձանից լաւ է  
կարգում:

Մայր:

Իհարկէ:

Արեակ:

Ա՛յ ասում ես հա՛. դու նրա կողմն ես բըռ-  
նում, մայրիկ:

Մայր:

Երկուսդ էլ ինձ համար միևնոյն էք, միայն  
թէ ես ճշմարտութիւնն եմ ասում: — Լա՛ւ, էդ խօսակ-  
ցութիւնը թողնենք. ապա վերցրու գիրքը, կարգա՛ տես-  
նենք:

Արեակ:

(Մի կողմ) Բանս խարաբ ա. (Մօտը) — Ի՞նչ  
կարգամ, մայրիկ:

Մայր:

Գիրքը բաց արա, մի տեղից կարգա՛:

Արեակ:

Մայրիկ, մի բան ասեմ. — անցած օրը ընկեր-  
ներիցս մինը մի լաւ բան ասաց. ով որ օրը երեք  
անգամ, ասաց, մէկ առաւօտեան, մէկ կէսօրին և մէկ  
էլ երեկոյեան...

Մայր:

( Եարուհ. ) Դաս սովորի, նա լաւ տղայ կլինի:

Արեակ:

Ո՛չ, ո՛չ, մայրիկ, մի լաւ բան:

Մայր:

Հապա՛ ինչ:

Արեակ:

Ով որ, ասաց, օրը երեք անգամ, առաւօտը,  
կէսօրին և երեկոյեան չամչով փլաւ ուտի, նա գէլից  
չի վախենայ:

Մայր:

(Զուպելով ծիծաղը, ժողովրդին) «Գալլի գլխին  
աւետարան կարգացին. ասաց՝ շո՛ւտ արէք, ոչխարը  
սարից անց կացաւ: (Արե - ին): Տօ՛, խելօ՛ք, ես գալլերի  
մասին եմ խօսում. ուշ ու միաքգ իրտեղ է. — ասում  
եմ գիրքը բաց արա, կարգա՛ տեսնեմ:

Արեակ:

Ի՞նչ կարգամ է. իսկի մի լաւ բան կայ, որ  
մարդ բաց անի, կարգալ:

Մայր:

Մահանադ Աստուած կտրի. էդ ինչպէս է որ  
ուրիշներէ համար կայ, քեզ համար չկայ: — Բան  
արա, մի տեղից կարգա՛:

Արեակ:

( Գիրքը բերում է գլուխը Եարժելով ) Մայրիկ,  
էստեղը դժուար է, մի ուրիշ տեղ բանօմ:

Մայր:

Լա՛ւ, համաձայն եմ, ուրիշ տեղ բաց արա:

Արեակ.

(Բաց է անում զիրք եւ սխում կախագելով կարդալ)

Մայր.

Տեսնում ես, կարդալ չես իմանում:

Արեակ.

( Զարմանալով ) Ո՞վ չիմանում կարդալ,

մայրիկ:

Մայր.

Արշակը:

Արեակ.

Մայրիկ, լաւ գիտեմ կարդալ, բայց այս անգամ քէֆս տեղը չի.

Մայր.

Լաւ, էդ թողնենք. ապա կարո՞ղ ես մի ոտանաւոր ասել:

Արեակ.

Ո՞ր ոտանաւորն ասեմ:

Մայր.

Հէնց որը լաւ գիտես: Հա՛, ասում էիր թէ՛ «Գարբին» ոտանաւորը լաւ գիտեմ, ապա այն ասա՛:

Արեակ.

Գիտեմ, բայց... մայրիկ, է՛ն լաւը չի:

Մայր.

Շատ լաւն է, դէ գիտես, ասա՛:

Արեակ.

(Գլուխը փռելով) Մայրիկ, սկիզբը մտիցս ըն-

կել ա:

Մայր.

Լաւ, սկիզբը կլիշեցնեմ քեզ:

Արեակ.

Գուցէ մի խօսք էլ մէջերքից մոռացած լինիմ:

Մայր.

Այն էլ կըլիշեցնեմ:

Արեակ.

(Քիչ լուրսիւնից յետոյ) Մայրիկ:

Մայր.

Հը՛:

Արեակ.

Գրքի վրայ ասեմ, թէ՛ բերանացի:

Մայր.

Բերանացի ասա՛. բերանացի:

Արեակ.

Բա իսկի գրքին չընայեմ.

Մայր.

Ի՞նչ կարիք կայ նայելու. չէ որ ասում էիր թէ՛ «Գարբին» ոտանաւորը վարժապետի մօտ անսխալ ասել եմ:

Արեակ.

Այո՛, բայց... (գլուխը փռելով):

Մայր.

Էլ ի՞նչ բայց... թէ՛ գիտես, ասա՛, էլի:

Արեակ.

(Մի կողմ) Նեղն ա լծել ինձ մայրիկս, սուսս բռնուելու ա: (Մօրը) Գիտեմ, մայրիկ, բայց ամբողջը չըգիտեմ բերանացի:

Մայրը.

Վնաս չունի. ինչքան զիտես, այնքանն  
ասա:

Արեակ.

(Հազարով) Ի՞նչպէս է սկսուում, մայրիկ.

Մայրը.

«Կըռանը ձեռքին, զնդանն առաջին».

Արեակ.

(Կրկնում է) Կըռանը ձեռքին, զնդանն առա-  
ջին. ը՛. ը՛. Կըռանը ձեռքին, զնդանն առաջին...  
Կըռանը ձեռքին, զնդանն առաջին...

Մայրը.

Քիթ երես մրոտ, դարբնոցի միջին.

Արեակ.

(Կրկն.) Քիթ երես մրոտ. դարբնոցի միջին...  
ը՛... (Կրկնում է մի քանի անգամ) Փուքսը փո՛ւհ. հա՛  
փուհ, փչում է փչում, փուքսը փուհ հա՛ փուհ փը-  
չում է, փչում, փուքսը փուհ հա՛ փո՛ւհ, փչում է,  
փչում, փուքսը փո՛ւհ հա՛...

Մայրը.

Տօ, ինչ ես փո՛ւհ հա՛ փուհը քցել...

Արեակ.

Մայրիկ, զրքի մէջ եղպէս է գրած:

Մայրը.

Ամօթ քեզ, չես իմանում, և ուզում ես  
ինձ հաւատացնել, որ այդ ոտանաւորը շատ լաւ  
գիտես:



ՏԵՍԻԼ Յ.

Նոյնի եւ Նագիկ

Նագիկ.

( Անես է մտնում երկու խնձոր ձեռքին ) Մայրիկ  
ջան, մայրիկ, զնացի հօրեղբորս տուն. տիկին Նագ-  
լուն երկու խնձոր տուաւ, աւաց՝ մէկը դու վերցրու,  
մէկը տուր Արշակին. ա՛յ Արշակ, տես ինչ սիրունն  
է, է:

Մայրը.

Ափսոս չէ որ այդ խնձորը նա ուտի, մի  
ոտանաւոր էլ չըզիտէ անգիր:

Նագիկ.

Ի՞նչ ոտանաւոր է, մայրիկ.

Մայրը.

«Գարբին» ոտանաւորը:

Նագիկ.

Կըռանը ձեռքին, զնդանն առաջին:

Մայրը.

Հա՛, Նագիկ, դու գիտես, կարո՞ղ ես ասել:

Նագիկ.

Ինչո՞ւ չգիտեմ, գիտեմ, մայրիկ, կուզես ասեմ:

Արեակ.

(ըրուամ) Գիտեմ, գիտեմ. ինչ գիտես, ես քե-  
զանից լաւ գիտեմ:

Մայրը.

Ապա, Նագիկ, մի ամաչացրու նրան:

Նագիկ.

«Կռանը ձեռքին, զնդանն առաջին,  
Քիթ-երես մրոտ դարբնոցի միջին,  
Կաշուէ գոգնոցը առաջը կապած,  
Լուրի կանգնած է մեր Խաչօ դարբին:  
Փուքսը փո՛ւհ հա փո՛ւհ, փչում է փչում,  
Կայծեր ու մոխիր...»

Արեակ.

(Մասը բարձրացնելով). Մայրիկ, մայրիկ, միտս ընկաւ, ես ասեմ:

Մայր.

Դէ ասա՛:

Արեակ.

Փուքսը փո՛ւհ հա փո՛ւհ փչում է, փչում, փուքսը փո՛ւհ հա փո՛ւհ փչում է, փչում, փուքսը փո՛ւհ հա փո՛ւհ ը՛ ը՛... փո՛ւհ հա փո՛ւհ...»

Մայր.

«Փո՛ւհ հա փո՛ւհ» անելուց բան չի գուրս գալ. Նագիկ, շարունակիր:

Նագիկ.

Փուքսը փո՛ւհ հա փո՛ւհ, փչում է, փչում,  
Կայծեր ու մոխիր դէս ու դէն փռում.  
Երկաթի մի շերտ հնոցը կոխած,  
Սաստիկ տաքիցը վառւում, կարմրում:  
Խաչօն հանում է երկաթի շերտը  
Ձնդանի վրայ կռանով ծեծում.  
Շինում նրանից պայտ, մեխ ու կացին,  
Եւ խկոյն ջրի տաշտակը կոխում:

Մայր.

Ապրիս, աղջիկս. այ այնպէս կասեն է, անշնորհք:  
Արեակ.

Անշնորհքը ես չեմ, մայրիկ:

Մայր.

Ապա ո՞վ է:

Արեակ.

Նագիկն է:

Մայր.

Երևում է, մի ոտանաւոր էլ չիմացար ասել:  
Արեակ.

Մայրիկ, կուզէս ուրիշ ոտանաւոր ասեմ:

Մայր.

Դէ ասա՛:

Արեակ.

(Ժողովրդին). Բա Նագիկն ասի, ես չասեմ.

(Ասում է ձեռքերը շարժելով):

Կրպօն խփէ, Խէպօն խաղալ.

Ակէ, տկէ տընազ է,

Էծիկ—մէծիկ բզէզ է,

Օ՛ֆ, տիւֆ, նաղարա,

Հար բաբա հարիսա.

Քաթիպի կոճակ,

Պընէ փլոճակ,

ձըրթ-փըրթ:

Մայր.

Էզպիսի ոտանաւոր ասելում լաւ ես: Բաւական

է, բաւական, հանգիստ մտացէք մինչև զալս (դուրս է գլում):

**ՎԱՐԱԳՈՅՐ**

**ԱՐՐՐՈՒԱԾ ԵՐԿՐՈՐԳ**

Նոյն սենեակը առանց նախաբանի.  
Սեղանի վրայ մեզ դիւն, նաեւ խնձոր:

ՏԵՍԻՒ Ա

Արեակ, Նագիկ եւ Տիգրան:

Արեակ:

Լաւ, Նագիկ, կըտեսնես թէ՛ այսուհետև ո՞վ  
լաւ կըստփորի դասը. ես էլ քեզ պիտի ամաչացնեմ:

Նագիկ:

Ամաչացրո՞ւ, եթէ կարող ես:

(Պառուզս մի բանի վայրկեան)

Տիգրան:

(Մտնելով). Բարև Նագիկ, բարև Արշակ. բա՛  
ինչո՞ւ էք այդպէս լուռ ու մունջ կանգնել:

Արեակ:

Ի՞նչ անենք:

Տիգրան:

Ի՞նչ պիտի անենք. ամեն օր ինչ էինք անում:

Արեակ:

Խաղում էինք:

Տիգրան:

Դէ՛ հիմա էլ խաղանք:

Արեակ:

Ախր, ուզում եմ դաս սովորել:

Տիգրան:

Է՛, յետոյ կսովորենք, ես էլ դեռ չեմ սովորել:

Արեակ:

Լաւ, խաղանք, խաղանք, խոզանք. Նագիկ,  
դո՞ւ էլ կըխաղաս:

Նագիկ:

Ինչո՞ւ չէ. դաս սովորել եմ արդէն. բայց  
ո՞րտեղ խաղանք:

Արեակ:

Ո՞րտեղ պիտի խաղանք, այստե՛ղ:

Նագիկ:

Գնանք դուրս խաղանք:

Արեակ:

Մէկէլ սով է գնում դուրսը. այստե՛ղ լաւ է:

Նագիկ:

Ախր, փոշի կանենք այստեղ, մայրեկը կը-  
բարկանայ:

Տիգրան:

Լաւ է ասում Նագիկը, էստեղ փոշի կանենք:

Նագիկ:

Ի հարկէ փոշի կանենք. իսկ փոշին մեզ վը-  
նաս է:

Արեակ:

(Բարկացած) Էդ քո գործը չէ, դու սո՛ւս կաց.  
էդ էլ էն չի, որ ասես թէ՛ քեզանից լաւ եմ սովորում:

Նագիկ.

Մայրիկը ինձ պատուիրել է, որ տանը չխա-  
ղամ, ես մայրիկիս խօսքին կըլսեմ:

Արեակ.

Գու չե՞ս ուզում ուրեմն մեզ հետ խաղալ:

Նագիկ.

Ուզում եմ, բայց ոչ սենեակում:

Արեակ.

Դէ որ ~~այդպէս~~ է, գնա՛:

Նագիկ.

Առանց քո ասելուն էլ ես պիտի գնամ մայ-  
րիկին ասեմ, որ Արշակը դաս չի սովորում, փոշի է  
անում: (Դուրս է գնում):

ՏԵՍԻԼ Բ.

Արեակ եւ Տիգրան

Արեակ.

Տիգրան, ինչ խաղ խաղանք:

Տիգրան.

Ինչ ուզում ես՝ խաղանք:

Արեակ.

Դեռ անի մի մի խնձոր ուտենք. (մօտենում  
են սեղանին եւ մի մի խնձոր վերցնելով կրծսում):

Արեակ.

Մայրիկս, որ միշտ ինձ խնձոր տայ, դասերս  
լաւ կըսովորեմ:

Տիգրան

(Ուսելով) Անխելք, խնձորով պիտի դասդ սո-

վորե՞ս: Ես կուզէի որ միշտ դաս լինէր, շատ կարգա-  
լինք, շատ բան սովորէինք. ես շատ եմ սիրում ու-  
սումնարանը:

Արեակ.

Ես էլ եմ սիրում ուսումնարանը, այնտեղ  
լաւ է խաղալու համար. բայց որ վատ թուանշան են  
գնում, մարդու սիրտը կոտրւում է. ուրիշ առարկանե-  
րից լաւ եմ, բայց հայերէնից 2 ունիմ: Լսիր, Տիգրան,  
պարսկերէն համարեա չըզիտեմ, բայց 4 են դրել:

Տիգրան

Է՛հ, պարսկերէնը մեր ինչի՞ն ա պէտք. հա-  
յերէնը պիտի լաւ սովորենք, հայերէնը... ես հայերէն  
լաւ գիտեմ, բայց պարսկերէն այնքան չէ:

Արեակ.

Ապա դ՞ու լաւ գիտես պարսկերէն, թէ՛ ես:  
Տիգրան

Իհարկէ ես:

Արշակ.

Չէ, ներողութիւն, ես քեզանից լաւ գիտեմ:

Տիգրան

Դէ որ էդպէս ես ասում, ես խօսքեր հարց-  
նեմ, տեսնեմ կիմանա՞ս:

Արեակ.

Չէ, առաջ ես հարցնեմ.

Տիգրան

Դէ լաւ, հարցրո՛ւ:

Արեակ.

Ապա ի՞նչ կասեն գլխին.



Տիգրան

Գլխին կտանեն... ը'... սնր.

Արեակ.

Գեռ մի ժամ էլ մտածում ես, շուտ ասն է:

Տիգրան.

Աչքիս վրայ. շուտ շուտ կասեմ:

Արեակ.

Լաւ. ապա մազերին ինչ կասեն:

Տիգրան.

(Մս.սծելով) մազերին... ը' ը' մտիս ա է. լեզուիս ծէրին ա. (մի կողմ) Ինչ եմ երկար մտածում:

(Արե.-ին) Արշակ, զիտե՞ս մազերին ինչ կասեն:

Արեակ.

Հը, ինչ կասեն:

Տիգրան.

Մազերին կասեն՝ սարախոտ:

Արեակ.

(ծիծ.ել) Հա, հա, հա. լու աղարսկերէն ա: ձակառին ապա ինչ կասեն:

Տիգրան.

Սարաղաշտ:

Արեակ.

Աչքերին:

Տիգրան.

Սարածակեր:

Արեակ.

(Գլուխը Եւրծ. ժպտ.) Լաւ, Լաւ. ահանջներին:

Տիգրան.

Սարապլորհան:

Արեակ.

Քթին:

Տիգրան.

Սարապլորհ:

Արեակ.

Բերանին

Տիգրան.

Բերանին կասեն՝ սարածամծամ:

Արեակ.

(Մի կողմ) Եդ Բաղդադի պարսկերէն է հա: Տիգրան, բա վզին ինչ կասեն:

Տիգրան.

Գէ վզին էլ կասեն՝ սարակոթ:

Արեակ.

(Ծիծ.) Հա, հա, հա... տո, եդ տեսակ պարսկերէն խո ես քեզանից լաւ զիտեմ. ապա զու հարցուն, ես ասեմ:

Տիգրան

Լաւ, կըհարցնեմ: Ապա ինչ կասեն լուին:

Արեակ.

Ե՛, լուն շատ պղտիկ ա:

Տիգրան

Լաւ, պղտիկը չեմ ասիլ. ինչ կասեն ուղտին:

Արեակ.

Ուղտին, ը', ը', ը'... Ե՛, եդ էլ շատ ա մեծ:

Տիգրան.

Լաւ, ոչ մեծը կասեմ, ոչ փոքրը. Ապա ինչ կասեն թոչունին:

Արեակ.

Թռչունին կասեն — ք'... թռչեմ գեօգայ.  
Տիգրան.

Մողէսին

Արեակ.

Շուռ տամ քօլայ:

Տիգրան.

Բն գորտին ինչ կասեն:

Արեակ.

Դէ գորտին էլ կասեն... լօք տամ գեօլայ:

Տիգրան.

Ա' խպէր, թէ ես սղուէսն եմ, դու էլ պոչն ես: Լաւ միտս գցեցիր, դու կարողես գորտի պէս կըռկըռալ:

Արեակ.

Լաւ:

Տիգրան.

Ապա դէ կըռկըռան:

Արեակ.

Ինչո՞ւ. ես մենակ կըռկըռամ, որ վրաս ծիծաղեն. աւելի լաւ է միասին անենք: — Տիգրան, դու տեսել ես, թէ գորտերը ջրի մէջ ինչպէս են կըռկըռում:

Տիգրան.

Շատ:

Արեակ.

Դէ եկ գորտեր դառնանք:

Տիգրան

Լաւ. գորտերը չորս ոտք ունին, նրանք

ման գալ չըզիտեն, այլ ցատկում են. այ տես, դու էլ ինչ նման արա՛. (Չորեքրաք է սալիս եւ ցատկում զորսի պես, Արեակը հետեւում է նրան):

Տիգրան.

Քեռուին մըռըլա, քեռուին մըռըլա, քեռուին մըռըլա.

Արեակ.

(Յասկ.) Ե՛՞՞՞՞՞, Ե՛՞՞՞՞, Ե՛՞՞՞՞:

Տիգրան.

Մէկէկէլ օ՞՞՞՞, մէկէկէլ օ՞՞՞՞, մէկէկէլ օ՞՞՞՞:

Արեակ.

Ղո՞՞՞՞թ, ղո՞՞՞՞թ, ղո՞՞՞՞թ: (Ասում են նաեւ խառն. այսինքն՝ երբ Տիգր.՝ը ասում է «Քեռուին մըռըլա... միեւնոյն ժամանակ Արեակը կրկնում է՝ Ե՛՞՞՞՞, Ե՛՞՞՞՞... այսպէս շար.): Բաւական է, Տիգրան, մեզ տեսնող լինի, ինչ կասի. (Վեր են կենում):

Տիգրան.

Արշակ, արի մի քէչ էլ դասներիս երեսին նայենք, հա՛:

Արեակ.

Ե՛, բան չունիս. առանց էն էլ գիտեմ դասս:

Տիգրան.

Արշակ, եկ տեսնենք մեզնից ո՞րը լաւ կը կարդայ:

Արեակ.

Իհարկէ ես:

Տիգրան.

Դէ գիրքը բեր տեսնենք:

Արեակլ.

(Դժկամ) Է՛. Բնչ հարկաւոր է:  
Տիգրան.

Ախր, ասու՛մ ես, թէ՛ քեզանից լաւ գիտե՛մ.  
դէ բեր տեսնենք. էլի:

Արեակլ.

Խօսք չըկայ, որ ես քեզանից լաւ գիտե՛մ,  
միայն թէ... գիտե՛ս ինչ, Տիգրան, գրքին շատ նայելուց  
աչքերս ցաւում են:

Տիգրան.

Մահանադ Աստուած կտրի՛. շատ քիչ կըկար-  
գանք:

Արեակլ.

Տիգրան, մի լաւ բան միտս ընկաւ. գնանք  
դուրս, աչնտեղ կասե՛մ:

Տիգրան.

Ներողութիւն, դեռ գերքը բեր կարգանք,  
լետոյ:

Արեակլ.

(Ուզում է դուրս գնալ) Տիգրան, չե՛ս գալիս:  
Տիգրան.

Ո՛ւր:

Արեակլ.

Բազը:

Տիգրան.

(Առաջը կտրելով) Էյ, էդ ո՛ւր ես փախչում.  
կարծում ես թէ՛ քեզ բաց կըթողնե՛մ. արի հաստատիր,  
որ դու ինձանից լաւ գիտես կարգալ:

Արեակլ.

Իհնարիէ, լաւ գիտե՛մ. բան ասաց. դէ գերքը  
բեր: (Ժող-ին) Ա՛յ մի հեշտ տեղն ընկնի ինձ:

Տիգրան.

(Վերցնելով գիրքը) Ա՛րշակ, բաց անենք. որտե-  
ղը որ եկաւ, էնտեղն էլ կարգանք, հա՛:

Արեակլ.

(Գլուխը փռելով) Համաձայն եմ:

Տիգրան.

(Վերցնում է գիրքը եւ բաց անում) Դէ կարգա՛:

Արեակլ.

(Կարգում է կակազելով) աա... բեգա... կը...  
դուրս... դուրս է... է... է... է... էկել պզ... պզ... պզ... պզ...  
պզ պզպըզալով:

Տիգրան.

(Մտնով ցոյց տալով) Էս պզպըզալով է, չե՛ս  
տեսնում դ-է.

Արեակլ.

Ախր իսկի դ-ի նման չի. լաւ չի գրած: (Շար.)  
շող... շողքը... քը հե... հե... հեր... թից... թից... ներս...  
է... է ընկել... շող... շող... շողա... լով:

Տիգրան.

(Առնելով գիրքը Ա-ի ձեռքից) Դու լաւ չե՛ս  
կարդում, տո՛ւր էստեղ. այ էսպէս կըկարգան: (Կար-  
գում է անսխալ)

Արեգակը դուրս է եկել սոսաղալով,  
Շողքը հերթից ներս է ընկել շողշողալով,  
Ծիտը ծառին կըչկըչում է ծըլ-ըլալով.

Զորուճն առուն քրչքրչում է վըշվըշալով,  
Ծոյլ տղայի բունն է տարել խորձփալով,  
Տրեխները շունն է տարել մըռմըռալով:

Տեսար. — Այսպէս կը կարդան:

Արեակ.

է՛. թողնենք կարդալը. դու կարճից ես աքա-  
ղաղի պէս կանչել:

Տիգրան.

Ինչու չէ. ծնւղրուղրու:

Արեակ.

Չէ, դու չես իմանում. այն էսպէս կը կանչեն.  
(Հպարտ հպարտ կանգնում է ախաղաղի պես եւ ձեռքերը ազդ-  
բերին խփելով երկար «ծուղրուղու» կանչում):

Տիգրան.

Խոստովանում եմ, այդ բանում դու ինձ յաղ-  
թեցիր:

Արեակ.

Տիգրան, արի՛, «հաւն ու աքաղաղը» ներկա-  
յացնենք. ես այն գիտեմ բերանացի:

Տիգրան.

Լա՛ւ, ներկայացնենք. դէ սկսիր:

Արեակ.

Չէ, դու սկսիր:

Տիգրան.

Դու սկսիր, դու լաւ ես ծուղրուղու կանչում:

Արեակ.

Լա՛ւ, ես կը սկսեմ:

Ծնւղրուղրու... սանամէր, էն մէկ հաւ կար  
ո՛ւր գնաց:

Տիգրան.

Ծարաւ աղբիւր կուլ գնաց:

Արեակ.

Ի՞նչ կար կտուց.

Տիգրան.

Չի՛ր ու չամիչ:

Արեակ.

Ո՛ւր էր տանում.

Տիգրան.

Հարս ու փեսին.

Արեակ.

Հարսն ո՛ւր էր նստել:

Տիգրան.

Ոսկէ թախտին:

Արեակ.

Ի՞նչ է եփել:

Տիգրան.

Կո՛րկոտ:

Արեակ.

Ո՛վ է բերել:

Տիգրան.

Պղտի լակո՛տ:

Արեակ.

Ո՛վ է տարել:

Տիգրան.

Քաջալ Ակո՛ր:

Արեակ.

Ո՛ւր է դրել:

Տիգրան

Բաց պատուհան:

Արշակ.

Ո՞վ է կերել:

Տիգրան.

Կարա փռչիկ:

Միասին.

Վայ կարա փռչիկ, վայ կարա-փռչիկ, քո մէքն ուտի քո թըշիկ:

Արշակ.

Տիգրան, արի հիմա էլ «կատու-կատու» խաղանք:

Տիգրան.

Տօ, չէս թողնելու մի փոքր շունչ առնենք. աւելի լաւ է, հիմա էլ դասներս սովորենք:

Արշակ.

Ե՛լի դաս, տօ բաւական է. քիչ դասի անուն տուր. հիմա խնդի ժամանակ է, խնդի:

Տիգրան.

Դ՛նւ գիտես, ես քեզ համար եմ ասում, թէ չէ՛ ես դասս պատրաստել եմ արդէն:

Արշակ.

Տիգրան, դու տեսել ես թէ՛ ինչպէս են կուռում կատուները, ես շատ եմ տեսել. գլուխները ծռում են՝ աչքերը դէս ու դէն շուռ տալիս և ճանկերով ալսպէս անում. (վերջին խօսքերն ասելիս բարբրով խփում է Տիգրանի գլխին):

Տիգրան.

Տօ կամաց, էգ խօ խփեցիր:

Արշակ.

(Ծիծաղ.) Հա՛, հա՛, հա՛... սչինչ, ձեն եմ ցոյց տալիս: Դէ սկսենք:

(Իրարից քիչ հեռու կանգնում են եւ կասուների պէս «սիա՛ո...» անելով մօտեցում են ու կուռում: Այդ ժամանակ մտնում է Նազիկը եւ «փիօս, փիօս» ասելով բաշխեցակով զարկում սրա-նրա գլխին մինչեւ որ բաժանում են):

ՏԵՍԻԼ Գ.

Արշակ, Տիգրան, Նազիկ եւ վերջը մայրը.

Նազիկ.

Լա՛ւ կատուներ էք եղել. այս ինչ փոշի էք բարձրացրել սենեակում:

Արշակ.

Ներողութիւն, մենք չենք փոշի արել:

Նազիկ.

Ապա ո՞վ է արել:

Արշակ.

Ինքն իրան է փոշի բարձրացել:

Տիգրան.

Անխելք, ինքն իրան փոշի կըբարձրանայ:

Արշակ.

Ինքն իրան չէ, դրսից եկաւ, քամին բերեց:

Նազիկ.

Մայրիկը էս բոպէիս կըզայ. որ տեսնի, ինչ կասի. քանի անգամ է քեզ ասել՝ որ տանը չըխաղաս:

Արշակ.

Իբր թէ դու էլ բան ասացիր. մայրիկը ամե-

նեին հակառակ չէ խաղալուն:

Տիգրան.

Լաւ, Նազիկ, մայրիկիդ ոչինչ չասես, միայն  
թէ այնպէս խաղ չենք խաղալ, որ փոշի բարձրանայ:

Նազիկ.

Ի՞նչ էք ուզում խաղալ.

Տիգրան.

Բառախաղի ասնք, բառախաղի:

Արեակ.

Ես մատս բարձրացնում եմ:

Նազիկ.

Այդ տեսակ խաղերի ես էլ կըմասնակցեմ:

Արեակ.

Նազիկ ջան, մայրիկին ոչինչ չես ասիլ, հա:

Նազիկ.

Լաւ, այս անգամ ոչինչ չեմ ասիլ:

Արեակ.

(Փող-ին) Ա՛յ ջան, այս անգամ էլ քեօթակից  
աղատուեցի: — Դէ, ուղիղ կանգնեցէք, առաջ ես պիտի  
հարցնեմ: — Տիգրան, ասա հա՛ց:

Տիգրան.

Հաց:

Արեակ.

Բերանդ բաց, վազի ջաղաց:

Արեակ.

Նազիկ, ասա վեց:

Նազիկ.

Վեց.

Արեակ.

Մեճ նանը քեզ խտտեց, զլիսիդ ջուխտ ձեռ-  
քով բամփեց, ծվվոցդ վեր արեց:

Արեակ.

(Տիգր.-ին) Ասա՛ ըրի՛նձ:

Տիգրան.

Բրինձ:

Արեակ.

Մատաղ լինիս ինձ: Նազիկ, ասա եօթը:

Նազիկ.

Եօթը:

Արեակ.

Բերանդ թիւ կօթը:

Տիգրան

Բաւական է, ինչքան դու ասեցիր, հիմա էլ

թող ես հարցնեմ:

Արեակ.

Լաւ. հարցրո՛ւ:

Տիգրան.

Նազիկ, ասա ո՛ւթ:

Նազիկ.

Ութ:

Տիգրան.

Ուտես մի կողով թու՛թ: — Արջակ, ասա զո՛ւր:

Արեակ:

Դու՛ր: — Տիգրան, ընկնես ջուրը:

Տիգրան.

Նազիկ, ասա երեք:

Նագիկ.

Երեք:

Տիգրան.

Արշակի կողքը քերենք:

Արշակ.

Ինչո՞ւ իմ կողքը քերենք, և ոչ Նագիկի:

Տիգրան:

Քո կողքը շատ է հաստ, պէտք է մի քիչ քերենք, որ բարակի:

Նագիկ.

Տիգրան, հիմա էլ թող ես ասեմ:

Արշակ.

Դու չես կարող:

Նագիկ.

Ինչո՞ւ դու կարող ես, ես չեմ կարող:

Տիգրան.

Լավ, թող հիմա Նագիկն ասի:

Արշակ.

(Գլուխը աստանելով) Թո՞ղ ասի տեսնենք:

Նագիկ.

Արշակ, ասո՞ւ ծիտ:

Արշակ.

(Արհամար) Ծիտ:

Նագիկ.

Ուտես մախոն:

Արշակ եւ Տիգրան (ծիտը)

Այդ չեղաւ, Նագիկ, չըբռնեց:

Արշակ

Տեսնո՞ր, որ ասացի չես կարող: — Ապա դու ասո՞ւ ծիտ է.

Նագիկ.

Ծիտ է:

Արշակ.

Նագիկն անմիտ է:

Նագիկ.

(Ներանալով) Օ՛, ես անմիտ չեմ:

Տիգրան

Նագիկ, ասո՞ւ հաւ է:

Նագիկ.

Հաւ է:

Արշակ.

Նագիկը լաւ է:

Նագիկ.

Տեսնո՞ւմ ես, Արշակ, Տիգրանը քեզանից լաւ է ասում:

Արշակ.

Դու էլ ես լաւ ասում: Ե՛, բաւական է. հիմա եկէք ձեզ մի լաւ բան ասեմ. լաւ միտո ընկաւ. եկէք աչքո՞ւ-կո՞ւ-պո՞ւ-կի խաղանք:

Տիգրան և Նագիկ.

Եկէք, եկէք:

Արշակ.

Առաջ ո՞ւմ աչքերը կապենք:

Տիգրան:

Իմ աչքերը կապեցէք: (Արշակը կապում է Տիգրանի աչքերը բաւկիմակով, եւ ապա զարկելով մեջքին ասում— «մէկ, երկու, երեք,» ու փախչում)

Նագիկն ևս կրկնում է նույն բանը: Մի երկու պտույտ անելուց լեռու, որի ժամանակ, ի հարկէ,

մէջքին խփում են ասելով՝ «ինձանում», բռնում է Արշակին ու ասում՝ «բռնեցի, բռնեցի, հիմա էլ բեր քո աչքերը կապենք»

(Տիգրանը և Նոդիկը կապում են թաշկինակով Արշակի աչքերը և ըստ առաջնոյն սկսում է խաղը. մի երկու անգամ Արշակի մէջքին հասցնելուց յետոյ, իրար ակնջի փսփսում են և ոտերի ծայրերի վերայ լուռ ու մունջ հեռանում բեմից. իսկ Արշակը մընում է պտոյտ պտոյտ անելիս)

Արեակ.

«Ո՛ւր էք գնացել, այ վախիտներ, մի մօտ եկէք է, տես սնց եմ բռնում ձեզ. ես գիտեմ, էգպէս սուս էք արել, որ չըկարողանամ ձեզ բռնել»:

(Այդ ժամանակ ներս է մտնում մայրը. Արշակը պտոյտի ժամանակ անգիտակցաբար բռնում է մօրը ասելով՝)

«Ո՛հը՛, բռնեցի, բռնեցի, դէ բեր հիմա քո աչքերը կապենք»:


(Արշակը աչքերը բացում է տեսնում մօրը. «Վայ, մայրիկս է», ուզում է փախչել, բայց մայրը մի քանի անգամ հասցնում է մէջքին բեմի վրայ վազելու ժամանակ, ասելով՝) «ԵՍ Է՛Լ ՔԵՁ ՀԻՆԳ՝ ՈՒ ԽԱՉ». (իսկ Արշակը բեմի վրայով դէս ու դէն է վազում ասելով՝) «Վայ մայրիկ ջան, էլ չեմ տնիլ, վայ, մայրիկ ջան, էլ չեմ տնիլ..»

ՎԱՐԱԳՈՅՐ

Վ Ե Ր Ձ







“ Լ Ո Յ Ս ”

~~Գրախանութիւն վաճառում են ամենատեսակ  
գրքեր, զասական և դիւանական առարկաներ մատչե-  
լի գներով:~~

~~Աշակերտ—աշակերտութիւններին և դպրոցական  
հաստատութիւններին գիշում:~~



~~“ Լ Ո Յ Ս ” գրախանութիւնը ընդունում է ամենատե-  
սակ գրքեր կոմիսիայով վաճառելու համար:~~



~~“ Լ Ո Յ Ս ” գրախանութիւն վաճառում են~~

~~Գ. Ա. Թարգմ.~~

~~Փարաջաւոր ուսանողը 20 կ. կամ 1 ղա. (արցունք)  
Թանգ արժէ, 4 կ. կամ 4 շահի.~~

**ԳԻՆՆ Է 20 Կ. ԿԱՄ ՄԻ ՂՈՒՆ**

*Թարգմ. Գրախանութիւն, 2.*  
Գիմել' Թաւրիզ, Գր. Աղաջանեանին, Գրախա-  
նութիւն “ Լ Ո Յ Ս ”: Օտար տեղից՝

Tauris (Perse) Gr. Aghadjanian, Librairie

“ LOYCE ”

կամ

Тавризь (Персія) Гр. Агаджанянъ, Магази́нь

„Луїсь“

ՀՀ Ազգային գրադարան



NL0399172

7435

891.995

12-16